

黃金吟

身上有黃金人無走陸沈  
求時未必見得處不因尋辯捷非通  
物涵容是了心會彈無絃  
琴然後能知音

團團吟

如鑑又如鈎回旋莫記秋  
難窮天上理易白世間頭團處人人  
喜虧時物物愁有生無不喘  
何必待吳牛

觀慕絕句

未去交爭意難忘黑白心一條無敵路徹了没人尋  
未去交爭意難忘黑白情一條平穩路痛惜没人行

誠子吟

道藏輯要

擊壤集

巽四星集七

至寶明珠非有類全珍良玉自無瑕  
爲珠爲玉尙如此何況爲人多過差

道不遠于人乾坤只在身誰能天地外別去覓乾坤

冬至吟

何者謂之幾天根理極微今年初盡處  
明日未來時此際只得意其間難下辭  
人能知此意何事不能知

歡喜吟

揚善不揚惡記恩不記讐人人自歡喜  
何患少交遊

推誠吟

天雖不語人能語心可欺時天可欺  
天人相去不相遠只在人

心人不知

人心先天天弗違人身後天奉天時身心相去不相遠只在人誠人不推

堯夫吟

堯夫吟天下拙來無時去無節如山川行不徹如江河流不竭如芝蘭香不歇如簫韶聲不絕也有花也有雪也有風也有月又溫柔又峻烈又風流又激切

天人吟

天學修心人學修身身安心樂乃見天人天之與人相去不遠不知者多知之者鮮身主于人心主于天心既不樂身何由安

道藏輯要

擊壤集

卷

四星集七

十分吟

所謂十分人須有十分真非謂能寫字非謂能爲文非謂眉目秀非謂衣裳新欲行人世上直須先了身所謂十分人須有十分事事苟不十分終是未完備事父盡其心事兄盡其意事君盡其忠事師盡其義人壽百來年其過豈容易雖然瞬息間其間多少事號爲能了事必先能了身身苟未能了何暇能了人

生日吟

祥符辛亥十二月二十五日

辛亥年辛丑月甲子日甲戌辰日辰同甲年月同辛吾于此際生而爲人

歲暮吟